

周礼注疏

一
函
七
冊
函

附釋音周禮注疏卷第十一

鄭氏注

賈公彥疏

小司徒之職掌建邦之教灋以稽國中及四郊都鄙之夫家九比之數以辨其貴賤老幼廢疾凡征役之施舍

與其祭祀飲食喪紀之禁令

稽猶考也夫家猶言男女也鄭司農云九比謂九夫

為井立謂九比者冢宰職出九賦者之人數也貴謂為卿大夫賤謂占會販賣者廢疾謂癰病也施當為弛○比毗志反注下
疏
小司徒至禁令○釋曰小司徒副皆同施式氏反
疏
貳大司徒之事大司徒已掌十二教故此小司徒又掌建邦之教法言建者非但副貳大司徒亦得專其事云以稽國中及四郊都鄙者大司徒掌邦國都鄙此小司徒亦掌之稽考也故亦考其國中及四郊但國中與四郊皆是六鄉之民所居也併言都鄙者司徒是主土地之官故亦兼主采地之法云之夫家九比之數者謂國中及四郊都鄙之內夫家男女九

賦校比人民之數云辨其貴賤老幼廢疾者辨猶別也
謂別其貴賤老幼廢疾合科役者科役之云凡征役之
施舍者征謂稅之役謂繇役施舍者貴與老幼廢疾不
科役故言弛也云與其祭祀者謂鄉中州祭社黨祭宗
族祭步飲食者謂若行鄉飲酒及族食喪紀者謂若四
閭爲族使之相葬之等禁令者祭祀已下皆有禁令不
使失禮法○注稽猶至爲弛○釋曰夫家猶言男女者
夫是丈夫則男也春秋傳曰云男有室女有家婦人稱
家故以家爲女鄭司農云九比謂九夫爲井後鄭不從
者以經掌國中及四郊卽是六鄉之內但鄉與公邑並
爲溝洫無井田之法故後鄭不從立謂九比者冢宰職
出九賦者之人數也者案大宰云九賦斂財賄一曰邦
中之賦二曰四郊之賦三曰邦甸之賦四曰家稍之賦
五曰邦縣之賦六曰邦都之賦與此文國中四郊都鄙
其事相當故知此九比出九賦者之人數云貴謂爲卿
大夫賤謂占會販賣者鄭解諸文貴賤相對皆以爲貴
謂卿大夫賤謂士獨此賤爲占會販賣者以其此經論
九賦之事案大宰九賦有幣餘之賦幣餘謂占賣國之
斥幣此經貴與老幼廢疾皆弛舍無賦唯此賦當彼幣
餘之賦故爲販賣者解之云施當爲弛者周禮上下但

言為弛舍者皆經為
施字鄭皆破從弛
乃頒比灋于六鄉之大夫使各登

其鄉之眾寡六畜車輦辨其物以歲時入其數以施政

教行徵令登成也成猶定也眾寡民之多少物家中之

後六畜財歲時入其數若今四時言事○畜許六反

疏

乃頒至徵令○釋曰言乃頒比灋于六鄉

皆同為兩是也六鄉大夫皆六命卿為之小司徒為校比之

法頒與六鄉大夫又云使各登其鄉之眾寡六畜車輦

者眾寡據人民六畜者馬牛羊豕犬鷄車謂革車及大

車輦人挽行又辨其物者謂辨其家中財物多少以歲

之四時具錄其數人小司徒以施政教者小司徒所施

政教依其數而施行之云以行徵令者以徵索於民及
所施政令亦據民物等數而行之故云行徵令也○注
登成也至言事○釋曰云登成也成猶定也者人畜眾
寡其數不恆家家條錄數而比之則得成故登為成也
定也云眾寡民之多少者謂六口已上為多五口已下
為少云物家中之財者經既言六畜車輦下別云辨其
物明物是家中之財云歲時入其數若今四時言事者

漢承周後皆四時入其數今時白役及三年則大比大

比則受邦國之比要大比謂使天下更簡閱民數及其

遂矣鄭司農云五家為比故以比為疏及三至比要

名今時八月案比是也要謂其簿

一閏天道有成及至也每至三年則大案比戶口大比

之時則天下邦國送要文書來入小司徒故太比則受

邦國之比要也○注大比至其簿○釋曰云大比謂使

天下更簡閱民數及其財物也者上經頒比法每歲之

四時簡閱眾寡及其物等此經三年大比并天下邦國

而言故鄭云大比謂使天下更簡閱民數及其財物鄭

不言六畜車輦者文略亦簡閱可知云受邦國之比要

則亦受鄉遂矣者此經但受邦國比要大比故知此文含

法於六鄉以歲時入其數不言三年大比故知此文含

鄉遂也故云亦受鄉遂矣鄭司農云五家為比故以比

為名者凡言比者是按比之言但五家為比者案比之

法從少至多以五家為始故以比為名云今時八月案

比是也者漢時八月案比而造籍書周以三年大比未

知定用何月故司農以漢法八月況之云要謂其簿者

此為試文，需要完整PDF請訪問：www.e-readingbook.org

謂若今之造籍戶口地宅具陳於簿也。乃會萬民之卒伍而用之五人爲

伍五伍爲兩四兩爲卒五卒爲旅五旅爲師五師爲軍

以起軍旅以作田役以比追胥以令貢賦用謂使民事

師軍皆眾之名兩二十五人卒百人旅五百人師二千五百人軍萬二千五百人此皆先王所因農事而定軍令者也欲其恩足相恤義足相救服容相別音聲相識作爲也役功捕盜賊也貢嬪婦百工之物賦九賦也戎于濟西胥伺捕盜賊也貢嬪婦百工之物賦九賦也鄉之田制與遂同○卒子忽反注及下皆同別彼列反乃會至貢賦釋曰小司徒佐大司徒以掌六鄉六軍之士出自六鄉故預配卒五百人爲卒五人爲伍也而用之者卽軍旅田役是也五人爲伍者下文云凡起徒役無過家一人六鄉之內有比閭族黨州鄉一鄉出一軍六鄉還出六軍今言五人爲伍者五家爲比家出一人則是一比也在家爲比在軍爲伍者聚也五伍爲兩者在鄉五比爲閭閭二十五家也在軍伍伍爲兩兩二十五人也四兩爲卒者在鄉四閭爲族族百

疏

乃會至貢賦釋曰小司徒佐大司徒以掌六鄉六

家也在軍四兩爲卒卒百人也五卒爲族者在鄉五族爲黨黨五百家在軍五卒爲族族五百人也五族爲師師者在鄉五黨爲州州二千五百家在軍亦五族爲師師亦二千五百人也五師爲軍軍者在鄉五州爲鄉鄉萬二千五百家在軍五師爲軍軍亦萬二千五百人也以起軍旅者謂征伐也以作田役者謂田獵役作皆是也以比追胥者追謂逐寇胥謂伺捕盜賊以令貢賦者依鄉中家數而施政令以貢賦之事○注用至遂同○釋曰用謂使民事之者謂使人爲事卽軍旅田役是也云兩二十五人已下案經五人爲伍轉相增數從五人爲伍至伍師爲軍數可知也云此皆先王所因農事而定軍令者也者案管子書云因內政寄軍令謂在鄉五家爲比以營農事比長領之及其出軍家出一人五人爲伍則爲伍長領之在家閭胥領一閭在軍則爲兩司馬領之在家爲族師在軍爲卒長在家爲黨正在軍爲旅師在家爲州長在軍爲師帥在鄉爲大夫在軍爲軍將自伍長已上全與此文不同者鄭君以義言之非彼正文也云欲其思足相恤至音聲相識言此者解因內政寄軍令之意不使異人閒雜於中也云追逐寇也又引春秋莊意欲解經文役與田不同也云追逐寇也又引春秋莊

公十八年夏公追戎于濟西者案彼傳戎侵魯魯公追之出境服氏云桓公爲好莊公獨不能脩而見侵濟西曹地穀梁云其不言戎之伐我何也以公之追之不使戎邇於我也于濟西者大之也引之者證追是逐寇也云胥伺捕盜賊也者以追旣爲逐寇胥爲伺捕盜賊可知云貢嬪婦百工之物者案大宰九賦之貢有九此貢獨云嬪婦百工二者此六鄉之貢不論地事則所令之貢亦不及地貢也故以此二事當之云賦九賦也者案大宰九賦一曰邦中二曰四郊二者之賦在六鄉之內此經旣論六鄉之賦不得有三曰邦甸已下若然此唯有二賦而云九賦者二賦是九賦中物故摠云九賦也云鄉之田制與遂同者此經之內不見田制案遂人職云夫閒有遂遂上有徑十夫有溝溝上有畛百夫有洫洫上有涂千夫有澮澮上有道萬夫有川川上有路是其遂制也故云鄉之田制與遂同案鄭注遂之軍法如六鄉者以其遂內不見出軍之法唯有田制而已故知遂之軍法如六鄉若然彼乃均土地以稽其人民而周此各舉一邊互見爲義

知其數上地家七人可任也者家三人中地家六人可

任也者二家五人下地家五人可任也者家二人

均平

猶徧也一家男女七人以上則授之以土地所養者寡也正以七
也男女五人以下則授之以土地所養者寡也正以七
人六人五人為率者有夫有婦然後為家自二人以至
於十為九等七六五者為其中可任謂丁強任力役之
事者出老者一人其餘男女強弱相反
其大數○徧音遍七人以上時掌反
言乃均土地者以其佐大司徒掌其土地人民之數故
制上地土地等使得均平故云均土地也云以稽其人
民者既給土地則據土地計考其人民可任不可任之
事云而周知其數者而周遍知其人數云上地家七人
者凡給地有九等此據中地三等而中地之上所養者
七人云可任也者家三人者七人之中一人為家長餘
六人在強弱半強而可任使者家三人云可任也者二家五
人者此謂中地之中所養者家六人云可任也者二家五
言可任者二人半故取兩家併言可任者二家五人云
下地家五人者謂中地之下所養者五人云可任也者
家二人者五人之內一人為家長餘四人在強弱半故

云可任者家二人。○注均平至大數。○釋曰云正以七
人六人五人爲率者有夫有婦然後爲家自二人以至
於十爲九等七六五者爲其中者案王制百畝之分上
農夫食九人其次食八人其次食七人其次食六人其
次食五人彼言五等此云七六五三等其人不問故鄭
爲九等計之此經皆云家故鄭云有夫有婦乃成家從
此二人爲一等至十人則爲九等自二人三人四人五
人六人七人八人九人十人是上地之三等此經唯言七
六五者據中地之三等則知有上地之三等故鄭云七
六五者爲其中若然王制不云上上之地食十人又不
云其次食四人其次食三人其次食二人直言自九以
至五不言九等者彼欲取下士視上農夫食九人自府
史胥徒四者食八人七人六人五人等五人與此五等
農夫相當故不言其餘四者又襄公二十五年楚爲掩
書土田度山林鳩藪澤辨京陵表淳鹵數疆潦規偃豬
町原防牧隰臯井衍沃以授子木禮也此九等是楚之
地善惡有九等與此不同鄭注尙書云賦之差上上出
九夫稅上中出八夫稅爲九等者以九州出賦多少不
同有九等故鄭君以井田美惡爲九等計之非是貢地
之差也云出

老者一人其餘男女強弱相半其大數者但一家之內
二人至十人或男多女少或女多男少不可齊準今皆
以強弱半者周公設法據其大數故鄭云其大數也
凡起徒役毋過家一人以其

餘為羨唯田與追胥竭作

鄭司農云羨饒也田謂獵也追追寇賊也竭作盡行也毋

音無羨錢面反

疏

凡起至竭作○釋曰云凡起徒役毋過家一人者謂起民徒役作之毋過家一人以

其餘為羨者一家兄弟雖多除一人為正卒正卒之外其餘皆為羨卒云唯田與追胥竭作者田謂田獵追謂

逐寇胥謂伺捕盜賊竭盡也作行也非直正卒一人羨卒盡行以其田與追胥之人多故也此謂六鄉之內上

劑致眊一人為正卒其餘皆為羨卒若六遂之內以下劑致眊一人為正卒一人為羨卒其餘皆為餘夫饒遠

故也凡用眾庶則掌其政教與其戒禁聽其辭訟施其賞

罰誅其犯命者

命所以誓告之

疏

凡用至命者○釋曰言凡用眾庶者則上經所云是

也其眾庶皆是六鄉之民小司徒主教六鄉六鄉眾是已民故用眾庶之時則掌其政教與其戒禁又聽斷其

賞罰又誅責犯命者。○注：命所以誓告之。○釋曰：所誓告者，謂若大司馬、羣吏聽誓於陳前，司徒北面以誓之。小子，斬牲左右以徇陳曰：「不用命者，斬之。」是其誓告之事也。凡國之大事，致民大故。

致餘子

大事謂戎事也。大故謂災寇也。鄭司農云：國有大事，當徵召會聚百姓，則小司徒召聚之餘子。

謂羨也。立謂餘子卿大夫之子當守於王宮者也。○

疏

凡國至餘子。○釋曰：凡國之大事者，謂有兵戎。

之大事出征之時，云致民者，謂有兵戎大事於六鄉之內，發起民徒，云大故致餘子者，謂有災寇之事，餘子卿大夫之子弟當大故之時，則致餘子與大夫子使宿衛也。○注：大事至者也。○釋曰：知大事謂戎事者，見左氏成公傳云：國之大事在祀與戎，此言致民明非祭祀是戎事可知。故云大事謂戎事也。云大故謂災寇也者，經云致餘子，明大故非王喪是水火之災及其兵寇。司農云：餘子謂羨也者，以其羨卒唯田與追胥竭作乃使之。此經大故不合使羨故。鄭不從之，立謂餘子卿大夫之子當守於王宮者也。知義然者，以經云大故當宿衛王宮案書傳云：餘子皆入學，則餘子不得為羨是宿衛之人。故云餘子卿大夫之子當守於王宮者也是破司農之

義乃經土地而井牧其田野九夫爲井四井爲邑四邑

爲丘四丘爲甸四甸爲縣四縣爲都以任地事而令貢

賦凡稅斂之事

此謂造都鄙也采地制井田異於鄉遂重立國小司徒爲經之立其五溝五塗

之界其制似井之字因取名焉孟子曰夫仁政必自經界始經界不正井地不均貢祿不平是故暴君姦吏必慢其經界經界既正分田制祿可坐而定也鄭司農云井牧者春秋傳所謂井衍沃牧隰臯者也玄謂隰臯之地九夫爲牧二牧而當一井今造都鄙授民田有不易有一易有再易通率二而當一是之謂井牧昔夏少康在虞思有田一成有衆一旅一旅之衆而田一成則井牧之法先古然矣九夫爲井者方一里九夫所治之田也此制小司徒經之匠人爲之溝洫相包乃成耳邑丘之屬相連比以出田稅溝洫爲除水害四井爲邑方二里四邑爲丘方四里四丘爲甸甸之言乘也讀如衷甸之甸甸方八里旁加一里則方十里爲一成積百井九百夫其中六十四井五百七十六夫出田稅三十六井三百二十四夫治洫四甸爲縣方二十里四縣爲都方

四十里四都方八十里旁加十里乃得方百里爲一同也積萬井九萬夫其四千九十六井三萬六千八百六十四夫出田稅二千三百四井二萬七百三十六夫治洫三千六百井三萬二千四百夫治澮井田之法備於一同今止於都者采地食者皆四之一其制三等百里之國凡四都一都之田稅入於王五十里之國凡四縣一縣之田稅入於王二十五里之國凡四甸一甸之田稅入於王地事謂農牧衡虞也貢謂九穀山澤之材也賦謂出車徒給繇役也司馬法曰六尺爲步步百爲晦晦百爲夫夫三爲屋屋三爲井井十爲通通爲匹馬三十家士一人徒二人通十爲成成百井井三百家革車一乘士十人徒二十人十成爲終終千井井三千家革車十乘士百人徒二百人十終爲同同方百里萬井三萬家革車百乘士千人徒二千人○甸繩證反出注注同夫仁音扶少康詩照反洫況逼反爲除

疏

乃經至之事

牧當上地一井授民田之時上地不易家百畝中地一
 易家二百畝下地再易家三百畝通率三家受六夫之
 地一家受二夫與牧地同故云井牧其田野此與下爲
 摠目云九夫爲井者井方一里九夫之田四井爲邑者
 邑方二里四邑爲丘者丘方四里四丘爲甸者甸方八
 里旁加一里則爲十里之成今不言十里成而言八里
 甸者成閒有洫井閒有溝旁加一里者使治溝洫不出
 稅舉其八里之甸據實出稅者而言四甸爲縣者縣方
 十六里四縣爲都都方三十二里以任地事者謂若大
 宰九職任萬民謂任役萬民使營地事云而令貢賦者
 貢則九職之貢賦謂軍賦出車徒之等云凡稅斂之事
 者采地之中皆爲井田之法一井之田一夫稅入於官
 故云稅斂之事○注此謂至千人○釋曰鄭知此謂造
 都鄙者鄉遂公邑之中皆爲溝洫之法此經爲井田之
 法故知謂造都鄙也云采地制井田異於鄉遂者案遂
 人夫閒有遂之等是溝洫法鄉田之制與遂同此經與
 匠人爲井田法其制與鄉遂不同故云采地制井田異
 於鄉遂也此雖不言異於公邑公邑亦與遂同故注匠
 人云異於鄉遂及公邑是也云重立國小司徒爲經之
 立其五溝五塗之界者此鄭意匠人於都鄙之中營造

溝洫此小司徒又經之立五溝五塗之界則經丘甸縣
都並據境界而言但此都鄙是畿內之國小司徒與匠
人共掌之云其制似井之字因取名焉者此解經井字
謂正方一里之內方三百步百步爲一截縱亦二截橫
亦二截則爲九夫夫各百步其中爲井字故云似井字
因取名焉名爲井田也云孟子曰已下至坐而定也者
案孟子滕文公使大夫畢戰問孟子井田之法孟子對
此辭孟子云經界者則此經九夫爲井已下四縣爲都
以上故引以證之鄭司農云井牧者春秋傳所謂井衍
沃牧隰臯者也司農引春秋者襄公二十五年楚蔣掩
書土田之事井衍沃者衍沃謂上地下平曰衍饒沃之
地九夫爲一井牧隰臯者下溼曰隰近臯澤之地司農
之意經有井牧故引以當之立謂隰臯之地九夫爲牧
二牧而當一井今造都鄙授民田有不易者家百畝有
一易家二百畝有再易者家三百畝通率二而當一者
是三家受六夫之地是隰臯之地二牧始當一井故云
二而當一云是之謂井牧者此就足司農之義云昔夏
后少康在虞思有田一成有眾一旅者此是哀公元年
左氏傳伍員云昔過澆滅夏后相后緡方娠逃出自竇
歸於有仍生少康焉爲仍牧正澆使椒求之逃奔有虞

爲之庖正虞思於是妻之以二姚而邑諸綸有田一成
有眾一旅是其事也言有田一成有眾一旅則地以上
中下爲率者以爲其成方十里九百夫之地一旅五百
夫故知是通率之通率之法正應四百五十人言一旅
舉成數也亦容不易者多云一旅之眾而田一成則井
牧之法先古然矣者鄭言此者井牧之法自夏而有非
祇於周云九夫爲井者方一里九夫所治之田也者一
井之內地有九夫假令盡是上地不易家有百畝中一
夫入於公四畔八夫家治百畝尙無九夫所治況其中
或有一易再易所取數更少今鄭云方一里九夫所治
之田鄭據地有九夫而言非謂有九家也云此制小司
徒經之者卽此文乃經土地是也云匠人爲之溝洫者
案匠人云井間有溝成間有洫同間有澮是匠人爲之
溝洫也云相包乃成耳者司徒立其界匠人爲其溝相
包含乃成其事耳云邑丘之屬者之屬中含甸及縣
都云相連比以出田稅者從井邑至縣都從內向外界
相連比井稅一夫故言以出田稅云溝洫爲除水害者
尙書益稷云濬洫澮距川是其從畝遂溝洫次第入澮
入川故云爲除水害也云四井爲邑方三里四邑爲一
方四里四丘爲甸甸之言乘也者欲見甸中出長穀一